

Lebih 6,000 pencarum daftar haji tempoh lima hari

KUALA LUMPUR - Seramai 6,270 pencarum Kumpulan Wang Simpanan Pekerja (KWSP) membuat pendaftaran haji dengan Lembaga Tabung Haji (TH) sejak pendaftaran dibuka pada 3 Januari lalu.

Menteri di Jabatan Perdana Menteri, Datuk Seri Jamil Khir Baharom berkata, kemudahan yang diumumkan pada Belanjawan 2012,

mendapat sambutan apabila secara purata TH menerima hampir 1,000 permohonan sehari.

"Bagi mereka yang telah cukup duit, mereka perlu mencukupkan simpanan RM9,980 mengikut kadar sekarang," katanya.

Pengurus Besar Perhubungan Awam KWSP, Nik Affendi Jaafar berkata, di bawah Kemudahan

Pendaftaran Haji Pencarum KWSP, pencarum boleh membuat pendaftaran menggunakan simpanan Akaun 1 di semua cawangan TH untuk mendapatkan giliran menunaikan haji.

Katanya, pendaftaran haji itu juga, boleh dibuat di semua cawangan Bank Rakyat dan Bank Islam seluruh negara. -Bernama